

## Scoil Chaitlín Maude Polasaí Cód Iompar



Sa pholasaí seo tá cur síos déanta, ní amháin ar na rialacha atá le leanúint sa scoil. Tá cur síos déanta ar conas mar a chaithfidimid le chéile sa scoil. Cuirfidimid, pobal na scoile, béim ar dhea-iompar a léiriú eadrainn i gcónaí. Is mian linn atmaisféar taitneamhach, sábháilte foghlama a chruthú agus a dhaingniú sa scoil maraon leis an bhFís Scoile atá againn. Is scoil ioncuimsitheach í Scoil Chaitlín Maude agus tugaimid aitheantas go bhfuil réimse leathan de riachtanaisí ag daltaí na scoile. Tugtar é seo san áireamh agus an pholasaí seo á chur i bhfeidhm againn.

### Prionsabail:

- *Go mbeadh gach iarracht déanta chun a chinntiú go bhfuil an Cód Iompar curtha i bhfeidhm ar bhealach réasúnta, cothrom agus leanúnach.*
- *Cuirfidimid béim ar féinmhuinín gach páiste a fhorbairt.*
- *Aithníonn an scoil na difríochtaí éagsúla a bhíonn idir pháistí.*
- *Cuirfidimid béim ar dhea-iompar a chur i bhfeidhm chun déileáil le drochiompar.*
- *Lorgáimid tacaíocht an phobail scoile iomlán, tuistí san áireamh, leis an gCód seo a chur i bhfeidhm.*

### Cód Iompair

Tá na rialacha seo bunaithe ar:

- shábháilteacht
- aire a thabhairt duit féin
- aire a thabhairt do dhaoine eile
- meas a thabhairt agus a thaispeáint
- dea-iompar agus dea-bhéasaí a léiriú
- a bheith ionraic agus macánta le cách

Tá sé tábhachtach go mbeidh a fhios ag gach páiste go bhfuilimid **ar fad** freagrach as sábháilteacht a chéile.

Tá na rialacha scoile crochta timpeall ar an suíomh scoile agus moltar

- go múintear na rialacha agus an Cód Iompar go mion agus dul siar rialta a dhéanamh
- go mínítear do thuismitheoirí na rialacha agus na smachtbhannaí

Tá cóip den gCód Iompar seo ar fáil sa Phlean Scoile agus ar shuíomh idirlíne na scoile.

Beidh freagracht ag an bhfoireann bainistíochta AP1 an Chód seo a mhíniú do mhúinteoirí nua agus athbhreithniú bliantúil a dhéanamh leis an bhfoireann scoile.

Is féidir an córas seo a roinnt ina trí chuid - Rialacha, Smachtbhannaí, agus Luachanna Saothair.

## Rialacha Scoile:

1. Bí in am agus bí ullamh.
2. Siúil sa scoil agus bí san áit ceart ag an am ceart.
3. Bí cabhrach, cáirdiúil agus béasach le gach duine.
4. Déan do dhícheall i do chuid oibre.

## Rialacha Clóis:

1. Riail na feadóige – (Seas, siúl go dtí do líne, bí i do líne)
2. Bí dea-bhéasach agus cúramach le gach duine:
  - *Ná bí ag troid ná ag brú agus ná bí garbh le páistí eile*
  - *Ná glaoigh ainmneacha maslacha ar aon duine*
  - *Na cuir isteach ar chluichí páistí eile*
  - *Ná tóg aon rud a bhaineann le duine eile*

## Smachtbhannaí Clóis:

Déanann an múinteoir atá ar an gclós gach iarracht na fadhbanna a thagann suas a réiteadh ar an gclós ag baint úsáid as cleachtais réiteach coimhlintí.

Má tá páiste ró-gharbh ar an gclós, beidh orthu suí/seasamh amach ar feadh tréimhse.

## Cleachtais Réiteach Coimhlintí

Socraítear coimhlintí ag baint úsáid as na ceisteanna seo a leanas:

- Cad a tharla?
- Cad a bhí tú ag smaoineamh ar ag an am?
- Conas a mhothaíonn tú anois?
- An raibh bealach difriúil é a dhéanamh?
- Cad is féidir linn a dhéanamh anois chun rudaí a dhéanamh níos fearr?

## Smachtbhannaí

Má tá riail briste ag páiste, beidh an smachtbhainn cuí gearrtha orthu.

Má roghnaíonn na páistí gan na rialacha a leanúint, ta córas smachtbhannaí i bhfoirm céimeanna i ndán dóibh. Má bhrítear riail, téann siad ar aghaidh céime. Braitheann an chéim ar an léibhéal drochiompar. Tugtar fógra do na páistí gan dul níos faide síos tríd na céimeanna.

## Na Céimeanna:

|               |                                     |                             |
|---------------|-------------------------------------|-----------------------------|
| <b>Céim 1</b> | Fógra ó Bhéil                       | <i>Smaoinigh/Do Rogha</i>   |
| <b>Céim 2</b> | Am Machnamh Sa Rang                 | <i>Seans Fós Agat</i>       |
| <b>Céim 3</b> | Téigh go Rang Eile                  | <i>Ag Rith as Seansanna</i> |
| <b>Céim 4</b> | Cárta Dearg/Scéal Abhaile           | <i>Ná Téigh níos Faide</i>  |
| <b>Céim 5</b> | An Oifig: Glaoch/Cruinniú le Tuistí | <i>Níl Rogha Agat</i>       |

### **Céim 1 Fógra ó Bhéil**

Faigheann páistí fógra ó bhéal. Ní dhéantar é a chlárú. Tabharfaidh an fhógairt seo le fios don pháiste:

- *Cad atá siad ag déanamh mícheart.*
- *Cad atá an múinteoir ag súil leis.*
- *Go bhféadfaidís a bheith ag bogadh go dtí an chéad chéim eile.*

### **Céim 2 Am Machnamh Sa Rang**

Tugann an múinteoir fios don pháiste go gcaithfear machnamh a dhéanamh faoina gcuid iompar. Seo seans dóibh smaoineamh agus iad féin a shocrú agus iad fós sa rang. Beidh áit sa rang gur féidir an machnamh seo a dhéanamh.

### **Céim 3 Téigh go Rang Eile**

Téann an páiste chuig seomra eile ar feadh tréimhse oiriúnach le hobair. Cuirfear eolas abhaile leis an bpáiste ag míniú cén riail a bhí briste agus lorgófar síniú tuismitheora.

### **Céim 4 Cárta Dearg/Scéal Abhaile**

Téann an páiste chuig an múinteoir tacaíochta ainmnithe ag braith ar an zóin. R-phost/glaoch/comhrá le déanamh ag múinteoir le caomhnóir sula dtéann an chárta dearg abhaile.

- Téann a n-ainm sa leabhar iompar.
- Beidh cárta dearg le síniú ag a dtuistí.

### **Céim 5 An Oifig/Cruinniú le Tuistí**

- Téann an páiste go dtí an príomhoide.
- Cruinniú le tuistí, príomhoide, múinteoir agus páiste.

Téann an páiste díreach go Céim 4 nó Céim 5 má tá drochiompar mar seo i gceist:

- *Iompar fíor gharbh*
- *Ciníochas, ciapadh gnéasach nó náiriú faoin gcorp*

### **Fionraí**

Tá sé de cheart ag an bpríomh-oide nó an leas phríomh oide (sa chás go bhfuil an príomh oide as lathair) dalta a chur ar fionraí sa chás go bhfuil an droch iompar tromchúiseach go leor. Aon tréimhse fionraí thar lá amháin, tá dualgas ar an bpríomhoide dul i dteagmháil le Cathaoirleach an Bhord.

### **Luachanna Saothair**

Nuair a roghnaíonn na páistí na rialacha a leanúint, faigheann siad aitheantas agus luachanna saothair mar atá leagtha síos ins na ranganna éagsúla.

### **An Ghaeilge**

Is í an Ghaeilge teanga cumarsáide na scoile. Labhróidh na páistí i gcónaí í sa scoil, sa chlós agus ar gach imeacht scoile.

Ní mór do gach aon bhaill de fhoireann na scoile agus de phobail na scoile an méid Gaeilge atá acu féin a labhairt.

### **Luachanna Saothair**

Tabharfar aitheantas rialta go páistí as ucht a gcuid Gaeilge a úsáid mar atá leagtha síos ins na ranganna éagsúla.

### **Smachtbhannaí**

Sa chás go bhfuil páistí ag labhairt i mBéarla, tá córas smachtbhannaí ann (de réir aoisghrúpa) a mheabhraíonn dóibh gurb í an Ghaeilge teanga cumarsáide na scoile.